

International Cider Summit Asturias



Tendrá llugar del 20 al 26 de marzu y van tar representaes trece rexones sidreres del mundu cuya sidre va poder tastiase nos llocales participantes, y nel festival que se va celledrar na Llaboral de Xixón

La presentación de la la International Cider Summit Asturias cuntó cola presencia de la viceconsejera de Turismu del Principáu d'Asturies, Graciela Blanco; el responsable de Mediu Rural de Caxa Rural d'Asturies, Javier Nievas, la Direutora Xeneral de Desendolcu Rural y Agroalimentación del Principáu d'Asturies, Begoña López; el Direutor del eventu, Eduardo Vázquez, el presidente de la DOP Sidre d'Asturies Guillermo Guisasaola y el conceyal de Turismu del Conceyu de Xixón, Santos López.

Esti eventu celledraráse la selmana del 20 al 26 de marzu de 2023. Les actividaes van tar estremaes en trés eventos dientru d'esti cume. El primeru va ser la Asturias Cider Week que va ufiertar la posibilidá de probar 65 tipos estremaos de sidre nos llocales colaboradores distribuyíos per Asturias.

Otra de les partes del cume sidreru va ser l'Asturies Cider Congress, que se va celledrar el 23 y 24 de marzu na Universidá Llaboral de Xixón. Equí, grandes profesionales del seutor sidreru nacionales ya internacionales van compartir les sos esperiencias y saberes en dos mañanes completes de charres, coloquios y meses redondes. Dalgunos de les temas que se van encetar van ser el turismu y la sidre n'Asturies, la distribución y el mercáu de sidre d'Estaos Xuníos, la sidre na alta gastronomía,



l'exemplu de la cerveza belga como padremuñu cultural de la UNESCO...

La International Cider Summit va tener como colofón final l'Asturies Cider Fest, un festival pa los amantes de la sidre que se celledrará la fin de selmana de'l 25 y 26 de marzu na Universidá Llaboral de Xixón. Equí va haber 30 llugares asturianos ufiertando sidra natural echada por espertos, tasties de les 65 sidres presentes que van representar a doce rexones sidreres del mundu, un market de moda y complementos tradicionales, actuaciones musicales, food trucks, un área infantil y otru de mascotes.